

# 卷一百一十六



書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷一百一十六  
 內容分類 史 政書 歷代通制  
 索書號 貴重-17  
 編號 B3510400

杜氏通典卷第二十五

職官七

諸卿上 總論諸卿  
 少卿附

奉禮郎 主簿 博士 太祝 兩京郊社署  
 太樂署 鼓吹署 太醫署

太卜 廩犧 汾祠 太公廟等署  
 太官署 珍羞署

良醞 主簿 掌醞署  
 武庫署 武器署  
 左右都候

丞 署 簿 公車司馬令  
 守宮署 簿 武庫署 武器署  
 丞 署 簿 崇玄署

諸陵署 主簿 太廟署  
 丞 署 簿 崇玄署

典牧署 主簿 乘黃署  
 丞 署 簿 乘黃署 諸牧監

正牧署 主簿 車府署  
 丞 署 簿 車府署 諸牧監

彩色首頁1  
 東洋文化研究所漢籍目錄 編號: B3510400  
 東洋文化研究所漢籍目錄所藏漢籍善本文影像資料庫 索書號: 貴重-17  
 漢籍善本文影像資料庫文本杜氏通典二百卷 嘉靖十八年西樵方獻夫刊本  
 版權所有: 東京大學 東洋文化研究所  
 使用上的注意事項

杜氏通典卷第一百二十五

杜氏通典卷第一百二十六

禮七十六

吉八 纂類十一  
大唐開元禮十一

皇帝拜陵

皇后拜陵

太常卿行諸陵

薦新于太廟

薦新物附

有司享先代帝王

季夏祭中霤

孟冬祭司寒

納冰開水附

興慶宮祭五龍壇

皇帝拜陵

將拜陵所司承制內外宣攝隨職供辦前發二日太尉告太廟如常儀將作先脩理拜謁之所及寢宮務極潔敬不得喧雜尚舍直長去陵十里所設行宮奉御鋪御座齋室如常儀守宮設從駕百官及皇親諸

客使位及次如常儀尚舍又於拜陵所道西量設小次又於寢宮前之西南設大次東向如常儀守宮量設侍臣次於大次西南設羣官應陪位者次於侍臣次之西南隨地之宜皆東向北上文官在北武官在南朝集使於武官之南尚食先備太宰之饌珍羞庶品務極豐潔太常滌祿牲牢及粢盛光祿司農及長祠人供辦如式拜謁前一日皇帝至行宮詣齋室仗衛如式陵令以玉冊進御署訖近臣奉出陵令受訖奉禮設御位於陵東南隅西向其有山谷隱狹則隨地設位望陵而拜又設位於寢宮之內寢殿東階之東南西向又設百官位於陵所行從官及皇親諸親并客使等分方位於神道左右相對為首寢



宮所於大次之前分方序立如常並隨地之宜拜謁日未明五刻諸衛量設黃麾仗於陵寢陳布其陵寢舊宿衛人各依本職掌不得移動未明三刻行從百官及諸皇親五等以上諸親三等以上并客使等應陪位者俱就位侍中版奏請中嚴其布位及進嚴典儀相贊設之近仗就陳如常未明一刻侍中版奏外辦皇帝素服乘馬以出勅侍臣上馬曲直華蓋繖扇衛如常儀詣陵西南小次所控馬以入少頃侍中版奏外辦皇帝步出次博士引太常卿前導皇帝至位太常卿前奉請再拜博士與太常卿退立於後皇帝再拜太常卿又前奏請再拜皇帝又再拜奉禮曰再拜贊者承傳陪位者皆再拜又再拜訖凡贊拜進退皆通事

舍人贊相以後准此少頃太常卿前奏請辭皇帝再拜又再拜  
 奉禮曰奉辭贊者承傳陪位者再拜又再拜太常卿  
 引皇帝還小次乘馬出次勅侍臣上馬儀仗侍衛詣  
 寢宮皇帝從陵廻詣大次乘馬以入其仗衛等各立  
 以候其行從百官及皇親諸親并客使等並依位序  
 立於大次之前所司嚴潔具酒饌侍中版奏外辨皇  
 帝步出大次博士引太常卿太常卿前導皇帝至寢  
 宮南所仗衛停於門外其應從入之官臨時奏聽進止博士引太常  
 卿太常卿前導皇帝入內門取東廊進至寢殿東階  
 之東南西面立定太常卿前奏再拜訖引皇帝升東  
 階當神座前北面再拜訖又當皇后神座前再拜訖

入進省服翫拂拭牀帳勅所由進太牢之饌加備珍

羞陳設若有太子諸王公主陪葬柩城內者並於寢殿東廊下所司致祭功臣陪葬者於東廊下

各奠饌布位量定獻官行事太常卿引皇帝出詣酒罇所酌酒進

其罇貼陳於當戶外之東南如常儀皇帝入奠酒三爵訖當神座前北

向立太祝二人對持玉冊於室戶外之右東向一太

祝東向跪讀祝文訖皇帝再拜又再拜若更進奠服

翫即躬自執陳訖太常卿引皇帝出戶當神座前北

向立太常卿奏請辭皇帝再拜又再拜訖太常卿引

皇帝出中門太常卿前奏請權停其從官及行事官並出大門外奉候

其守官使內侍官引內官率寢宮內人謁見訖皇帝

出侍衛如常儀還大次少頃若猶宿即乘馬還行宮



若更向前陵即於大次更進發

皆近侍先奏取進止與仗衛計會

### 皇后拜陵

所司先設大次於寢宮之東隨地之宜東向鋪御座如常入設先朝妃嬪次於大次之南守宮設大長公主長公主及諸親婦人命婦等次於妃嬪之南皆東向及拜謁之處皆障以行帷前一日內謁者設中宮御位於寢宮東次前近東東向又設先朝妃嬪以下位於御位西南各於其次之東皆重行東面以北爲上司贊位於妃嬪東北東面掌贊二人在南差退皇帝發行宮後皇后乘四望車如常行之式發行之大次改服假髻白練單衣服內典引各引妃嬪以下就

位立訖立內侍版奏外辦司官引尚宮尚宮引皇后

每尚宮前導皆司官先引

出就位

尚服負琮寶以從之如式

立定尚儀前奏再

拜退復位皇后再拜司贊曰再拜掌贊承傳諸陪位

者皆再拜少頃尚儀又前奏請再拜辭皇后再拜司

贊曰再拜掌贊承傳諸陪位者皆再拜尚宮引皇后

還大次謁寢宮如常儀皇后初還大次內典引各引

陪位者退皇后拜陵訖於寢宮東大次改服鈿釵禮

衣若服常服臨時聽進止

乘輿詣寢宮司服負琮寶以從侍衛

如常先朝妃嬪大長公主長公主陪後如常式至宮

北門降輿入大次皇帝旣入寢宮尚宮引皇后侍從

如常詣寢殿前西階之西東面立其妃嬪公主等陪

從立於皇后之南皆東面北上又設司贊位於妃嬪東北東面掌贊二人在南差退在位者立定尚儀前奏請再拜皇后再拜司贊曰再拜掌贊承傳妃嬪以下皆再拜訖尚宮引皇后自升西階入室妃嬪公主等仍立於階詣先帝神座前北面再拜訖尚宮又引皇后詣先帝皇后神座前北面再拜訖復引皇后進省先后服訖訖引退西廂東面立進食訖皇帝出尚宮引皇后從出降自西階復階下位尚儀奏再拜訖司贊曰再拜掌贊承傳請皇后之大次更衣妃嬪以下皆更衣皇后出寢宮北門乘四望車還行宮侍從如來儀

太常卿行諸陵

所司先擇吉日行日之期車府令具輜車駕一馬清道青衣團扇典蓋繖扇俱詣太常寺門布列以候守宮先於陵南百步道東設次西向北上右校令具翦除利器以備灑掃太常卿公服乘車奉禮以下公服陪從到次降車停便定奉禮設卿位於北門外之左西向陵官在卿位東南執事官又於其南俱西面北上設奉禮位在陵官之西西面贊者二人在南少退謁者引太常卿出次就位贊引諸官以次就位立定奉禮曰再拜贊者承傳在位者俱再拜謁者引太常卿贊引引諸官以次入奉行畢謁者引復位奉禮曰再拜贊者皆再拜謁者引太常卿贊引引諸官各就

便坐少頃乘車發行次詣諸陵奉行如上儀若應須灑掃及芟薙脩理皆即隨事處分

### 薦新于太廟

薦新之日太廟令帥齋郎灑掃廟之內外太官先饌所薦之物于神厨若有酒者廟司設罇坵疊洗如式謁者引太常卿

入立於門東之內道北面向謁者贊引稱再拜太常卿再拜進饌者奉饌入自正門升自大階各詣於神

座前籩豆蓋鼎徹之如式訖降自東階以出謁者引太常卿升

自東階詣獻祖室戶前盥洗酌獻訖再拜又再拜若酒即俱再拜訖謁者引太常卿復位謁者贊拜訖謁者引出

### 薦新物

冬魚鱖筍蒲白韭薑小豆胥豆藁荷菱人子薑菱索春酒桑落酒竹根黃米粳米糯米梁米稷米茄子杞蔗芋子鷄頭人首指蔓菁葫瓜冬瓜瓠子春魚水蘇枸杞芙蓉子藕大麥匏瓜油麻麥子椿頭蓮子栗水苡子李櫻桃杏林擒橘椹菴羅果棗兔脾麀鹿野鷄薦新物皆品物時新堪供進者所司先送太常令尚食相知揀擇仍以滋味與新物相宜者配之以薦皆如上儀

### 有司享先代帝王

前享五日諸享官各散齋二日於正寢致齋一日於其廟所如別儀無廟者祭於壇其壇制惟州社壇其祭官以當州長官充無以次通取也

諸享官致齋之日給酒食及明衣各習禮於齋所前  
 享一日所在縣官清掃內外整拂神座無廟名享日未明縣官帥其屬入詣壇東陞升設神座於壇上近北南設配座向席以莞以後陳設行事依在廟之位次序言配座於神座東南南向席以莞又為瘞培於廟後壬地方深取足容物贊禮者設初獻位於東階東南亞獻終獻如初獻之南少退俱西向北上設掌事者位於終獻東南重行西面以北為上設贊唱者於終獻西南西向北上設望瘞位於廟堂東北西向又設贊唱者位於瘞培東北南向東上設享官以下位於南門之外道東重行西面以北為上無廟者即設享官以下重行北祭器之數每座罇六盞十豆十簋二簋二鉶三



俎三縣官帥其屬升設罇於廟堂上前楹間室戶之外北向正座之罇在西配座之罇在東罇皆加勺幕有坫以置爵設幣筐於罇所設洗於東階東南北向東西當東雷南北以堂深壘水在洗東筐在洗西南肆實爵三巾二在筐加勺幕執罇壘洗筐者各依於罇壘洗筐之後享日未明烹牲於厨夙興掌饌者實祭器牲體牛去上節載下二節又取正春脰春橫春正脅代脅各乾魚棗栗榛菱茨鹿脯白餅黑餅豆十實韭菹醢醢藟豚醢若土無者各以其類克之諸享官以下各服祭服三品毳冕四品繡冕五品緇冕縣官帥其屬入實罇壘及幣每座之罇一實醴齊一實盎齊一實清酒其玄酒各實於上罇幣用帛長丈八尺色用白也



祝版各置於坫贊唱者先入就位祝與執罇壘篚者  
入立於庭重行北面以西爲上立定贊唱者曰再拜  
祝以下俱再拜執罇者升自東階壇則升自東立於  
罇所執罇壘篚者各就位升自東階行掃除於上降  
掃除於下訖各引就位贊明贊禮者引享官以下俱  
就門外位少頃贊禮者引享官以下以次就位立定  
贊唱者曰再拜在位者皆再拜贊禮者進初獻之左  
白有司謹具請行事退復位祝跪取幣於篚各立於  
罇所掌饌者帥執饌者奉饌陳於南門之外壇則奉  
東壝門贊禮者引初獻升自東階其壇則升自陞以  
之外贊禮者引初獻升自東階後初獻升降皆佳  
此進當神座前北向立祝以幣東向進初獻受幣祝

還罇所贊禮者引初獻入跪奠於神座興出戶北向  
再拜贊禮者引初獻入當配座西壁下東面立祝以  
幣北向進初獻受幣祝還罇所贊禮者引初獻進東  
面跪奠於配座興退復位東面再拜贊禮者引初獻  
降復位掌饌者引饌入升自東階壇則升自東祝引迎於  
階上各設於神座前掌饌者帥執饌者各復本位祝  
還罇所贊禮者引初獻詣壘盥手洗爵升自東階  
詣酒罇所執罇者舉幕初獻酌醴齊贊禮者引初獻  
入詣神座前跪奠爵興出戶北向立祝持版進於神  
座之右東面跪讀祝文曰帝嚳云維其年歲次月朔  
日子開元神武皇帝謹遣具官姓名敢昭告于帝高

辛氏惟帝能序三辰功施萬物式遵祀典敬以制幣  
犧齊粢盛庶品祗薦于帝高辛氏尚饗○帝堯云敢  
昭告于帝陶唐氏惟帝則天而行光被四表式遵祀  
典敬以制幣云云配座云敢昭告于唐司徒惟公敬  
敷五教弘贊彝倫率由舊章配享于帝唐陶氏云云  
○帝舜云敢昭告于帝有虞氏惟帝道先七政績宣  
五典式遵舊章云云配座云敢昭告于臯陶氏惟神  
爰定五刑載敷九德率由舊典云云○夏王禹云敢  
昭告于夏王禹惟王克平九土功施萬代式遵故實  
云云配座云敢昭告于伯益氏惟公贊敷下土克蕃  
庶物率由舊章配享于夏王禹云云○殷王湯云惟

王革命黜暴功濟天下式遵祀典云云配座云敢昭  
告于伊尹氏惟公弼諧政道功格天地率由故實云  
云○周文王云惟王爰命作周經緯天地式遵祀典  
云云配座云敢昭告于太公惟公純德孔明翼成周  
室率由舊典云云○周武王云應天順人克定禍亂  
式遵祀典云云配座云敢昭告于周文公召康公惟  
公道光王治功著分陝率由舊典云云○漢高帝云  
神武應期撫安區夏式遵祀典云云配座云敢昭告  
于蕭相國惟公膺成漢業厥功惟茂率由舊章云云  
初獻再拜祝進跪奠版於神座興還罇所贊禮者引  
初獻官詣配座酒罇所取爵於玷執罇者舉幕初獻



白請就望瘞位贊禮者引初獻就望瘞位西向立贊  
唱者轉立於望瘞東北位初獻官拜訖祝各進神位  
前跪取幣興降自西階壇側降詣瘞埽北南面以幣  
置於埽贊唱者曰可瘞埽東西面各二人填土半埽  
贊禮者進初獻之左白禮畢遂飲初獻以下出贊唱  
者還本位祝與執罇壘者俱復執事位立定贊唱者  
曰再拜祝以下皆再拜以出祝版焚於齋所

季夏祭中霤

季夏土王日祭中霤於太廟之庭前祭三日請祭官  
散齋二日於正寢致齋一日於廟所如別儀前一日  
衛尉陳設如常祭日未明十刻太官丞具犧牲之饌

未明一刻太常令帥其屬入布神座於廟庭西門之  
內道南東向席以莞設神座於座首設酒罇於神座  
東南設洗又於酒罇東南俱北向壘水在洗東篚在  
洗西南肆篚實以巾爵也奉禮設太廟令位於神座東南執  
事者位於其後俱北向西上設門外位皆於東門之  
外道南重行北向以西爲上質明諸行事之官各服  
其服良醞之屬入實罇壘太官丞監實籩豆簠簋贊  
引引太廟令又贊引引執事者俱就門外位太祝與  
執罇壘篚冪者先入詣神座前西向再拜訖各就位  
立定贊引引太廟令又贊引引執事者入就位贊引  
贊拜太廟令以下皆再拜太官丞出詣饌所贊引進

通典卷百六  
太廟令之左白有司謹具請行事退復位太官丞引  
饌入太祝迎引於座首設於神座前訖太官丞以下  
還本位太祝還罇所贊引引太廟令詣壘洗盥手洗  
爵詣酒罇所執罇者舉幕太廟令酌酒贊引引太廟  
令進神座前西向跪奠爵俛伏興少退西向立太祝  
持版進於神座之右北向跪讀祝文曰維某年歲次  
月朔日子開元神武皇帝謹遣具位姓名敢昭告于  
中霤賴茲保養庶以安式荷神功祗率常禮爰以  
特牲時藏薌合薌其嘉蔬嘉薦醴酒明祀于神尚饗  
訖興太廟令再拜太祝進奠版於神座俛伏興還罇  
所太祝以爵酌福進太廟令之左北面立太廟令再  
拜受爵跪祭酒遂飲卒爵太祝進受爵還罇所太廟  
令俛伏興再拜贊引引還本位太祝進跪徹豆俛伏  
興還罇所太祝與執罇壘篚者俱復位立定贊引贊  
拜太廟令以下皆再拜贊引進太廟令之左白禮畢  
遂引太廟令以下出其祝版燔於齋所

孟冬祭司寒

納冰開  
冰附

前三日諸祭官散齋二日於家正寢致齋一日於祭  
所右校掃除祭所衛尉陳設如常祭日未明十刻太  
官丞具特牲之饌未明一刻郊社丞入布神座於廟  
北南向設神位於座首又帥其屬設酒罇於座東南  
設洗於酒罇東南俱北向壘水在洗東篚在洗西南

肆中爵實以執罇壘篚者各位於罇壘篚之後上林令設桃弧棘矢於冰室戶內之右祭訖遂奉禮設上林令位於神座東南執事者陪其後俱重行西向北上質明上林令以下各服其服郊社丞良醞之屬入實罇壘太官丞監實籩豆簠簋贊引引上林令文贊引引執事者俱就門外位立定太祝與執罇壘篚者先入立於神座前北向俱再拜訖各就位贊引引上林令又贊引引執事者俱入就位立定贊拜上林令以下皆再拜太官丞出詣饌所贊引進上林之左白有司謹具請行事退復位太官丞引饌入太祝迎於座首設於神座前訖太官丞以下還罇所贊引引上

林令盥手洗爵詣酒罇所執罇者舉幕上林令酌酒贊引引上林令進神座前北向跪奠爵俛伏興少退北向立大祝持版進於神座之右東跪讀祝文曰維某年歲次月朔日開元神武皇帝謹遣某官姓名敢昭告于玄冥之神順茲時令增冰堅厚式遵常典將納凌陰謹以玄牡秬黍嘉薦清酌明祀于神尚饗訖興上林令再拜太祝進跪奠版於神座俛伏興還罇所太祝以爵酌福酒進上林令之右西向立上林令再拜受爵跪祭酒遂飲卒爵太祝進受爵還罇所上林令俛伏興再拜贊引引還本位太祝進跪徹豆俛伏興還罇所太祝興執罇壘篚者俱復位立定贊引

贊拜上林令以下皆再拜贊引進上林令之左白禮  
畢贊引引上林令以下出其祝版焚於齋所

### 興慶宮祭五龍壇

將祭有司筮日如別儀前祀三日凡應祭之官散齋  
二日致齋一日如別儀前祭二日守宮設祭官次於  
東壝之外道南北向以西爲上設陳饌幔於內壝東  
門之外道南北向太樂令設判懸之樂於壇南右校  
掃除壇之内外前祀一日晡後一刻諸衛令其屬各  
以其方器服守衛壝門清齋一宿奉禮設獻官位於  
壝東南西向執事位於獻官東南俱西向北上設奉  
禮位於獻官西南贊者二人在南少退設祭官以下

門外位於東壝之外道南每等異位重行北向以西

爲上郊社令帥齋郎設散罇五龍各二於壇上東南

隅北向西上罇加勺幕有設洗於壇東南北向壘水

在洗東篚在洗西南肆篚實以執罇壘篚幕者各位

於罇壘幕之後祀日未明十刻太官令帥宰人以

鑿刀烹牲於厨牲未明三刻郊社令帥齋郎各服

其服升設五龍座於壇上近北南向東上席以莞設

神位各於座首未明一刻祭官以上各服其服郊社

令與良醞之屬入實罇壘太祝以幣置於篚太官令

帥進饌者審諸邊豆簋等設於饌幔內質明謁者

引獻官以下就引外位奉禮帥贊者先入就位執罇

壘篚幕者當壇南重行北向以西爲上立定奉禮曰  
再拜贊者承傳執罇壘篚幕者皆再拜訖自東陞升  
立罇所各就位太樂令帥工人入就位謁者進獻官  
之左白有司謹具請行事退復位協律郎跪俛伏興  
舉麾工鼓祝乃以姑洗之均樂舞三成偃麾戛鼓樂  
止奉禮曰衆官再拜在位者皆再拜訖復位太祝取  
幣於篚立於罇所太官令帥進饌者奉饌陳於東門  
之外謁者引獻官詣南陞升北向立太祝以幣授獻  
官獻官受幣登歌作以南呂之鈞謁者引獻官進北  
向跪奠幣於青龍座前諸座皆太祝助奠俱畢獻官  
再拜訖登歌止謁者引獻官降自南陞還本位太官


令引饌入升自南陞太祝引迎於壇上設饌於神座  
前訖降復位謁者引獻官詣壘洗盥手洗爵訖引升  
南陞詣酒罇所執罇者舉幕獻官酌清酒謁者引進  
神座前北向跪奠爵於青龍之座太祝等助奠諸座  
俱畢少退北向立太祝持版進於青龍座之右東向  
跪讀祝文曰祝文臨時制撰讀訖獻官再拜太祝進跪奠版  
於神座俛伏興還罇所太祝以爵酌壘福酒進獻官  
之右向西立獻官再拜受爵跪祭酒啐酒奠爵興太  
祝帥齋郎進俎太祝跪減神前胙肉以授獻官獻官  
受以授齋郎獻官跪取爵遂飲卒爵太祝進受爵後  
於坫獻官再拜謁者引降復位太祝跪徹豆俛伏興




還罇所奉禮曰賜胙贊者唱衆官再拜在位者皆再拜不獻官奉禮又曰再拜在位者皆再拜謁者進獻官之左白禮畢遂引獻官以下出太祝以下復執事位立定奉禮曰再拜太祝再拜訖出其祝版燔於齋所

如沉玉於川臨時別取進正

杜氏通典卷第一百二十六終





不 許 複 製

NOT TO BE REPRODUCED

東京大学東洋文化研究所